

Եւ յորժամ անդ եղեալ առաջակայ միսիոնարքն որք էին նիկոմիդացի յօհաննէս վարդապետն, եւ գաղատացի եղիայ վարդապետն ընթերցան զվկայականս նոցա պատմեցին լատին պօնայ Եպս. ին եւ վիկարին թէ՛ նա, յորմէ ընկալեալ են զքահանայական կարգն, ոչ էր Եպիսկոպոս, այլ լսկ քահանայ, ուրեմն ոչ են առեալ զկարգ բոս օրինի եւ կանոնաց եկեղեցւոյ, եւ վասն այսր պատճառի վիկարն ասացեալ է թէ ես ոչ ունիմ իշխանութիւն տալ հրաման կամ տնօրինել նոցա զայս պակասութիւնս, զի զայնպիսի իշխանութիւն ունի սրբալան պապն. վասն որոյ պարտին գնալ առ նա. վասն այնորիկ այժմ գնան ի հռոմ առ սրբազան պապն բենեդիկտոս Գծաներորդ զի ընկալցին դարման վիրաց նոցա ॥ : Զայսքանս պատմեաց վրացի տէր Գաբրիէլ : Եւ աղաչեաց զմեզ մի տալ նոցա նշան ինչ թէ լուեալ եմք զնոցանէ այսպիսի բանս : Եւ մեք յետ մի կամ երկու աւուրց բաժանեցաք ի նոցանէ, եւ չուեցաք նաւակաւ միով ընդ այլոց ճանապարհորդաց ի ստամպոլ, եւ նոքա տակաւին էին ի կղզոջն եւ սպասէին նաւու իւրեանց : Եւ յորժամ հասաք ի ստամպոլ, ամենեքեան ի խօսակցութիւնս իւրեանց պատմէին զարարմունս սոցա : Քանզի մերասեանն էր նախ գրագիր Կօլօտ Յօհաննէս պատրիարդին Կ. Պօլսի, նաեւ էր նախնի աշակերտ միսիթարայ վարդապետի, որում աշակերտեալ էր միջնորդութեամբ քեռոյ իւրոյ Հօր Պօղոսի տայի սիմօնեան, եւ արեւալ էր զջուր վարդապետութեան միսիթարայ վարդապետի : Իսկ մննորայ վարդապետն էր արհեստիւ դարբին, այսինքն կղպակագործ չիլինկիր : Եւ իբրեւ հասին նոքա ի Հռոմ յետ երկար քննութեան թոյլ ետուն նոցա քահանայագործութեան միայն, բայց ոչ գիտեմ որով կերպիւ, այսինքն կրկին ձեռնագրութեամբ կամ տնօրէնութեամբ, զի ինչ ոչ է յայտ : Եւ յորժամ այս այսպէս եղեւ՝ մննորայ յա-